

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 68 (2006-2007)

Heft: 9: Mit Kopf, Herz und Hand

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.02.2025

ETH-Bibliothek Zürich, E-Periodica, <https://www.e-periodica.ch>

● Ils pioniers 2007/2008 dal rumantsch grischun en scola èn preparads

Ivo Berther

Ils 11 da matg 2007 han 54 personas d'instrucziun ord las 23 vischnancas da pionier 2007/2008 pudì concluder cun success trais emnas intensivadas da curs. Trais emnas cun la finamira da furmar, per part era approfondar las competenzas linguisticas en rumantsch grischun. Trais emnas da reflexiun davart l'educaziun plurilingua e l'instrucziun da lingua cun novs impuls davart ina didactica generala da lingua en moda interactiva e comunicativa.

Questa didactica è vegnida sviluppada ed applitgada l'emprima giada durant la furmaziun d'ina grupp da cader la stad 2006 a la Scuola auta da pedagogia dal grischun (SAPGR). La grupp da cader ha l'incumbensa d'instruir scolastas e scolasts da la scola primara, da terapia da lingua, d'economia da chasa e lavurs manualas textilas e facultativ catechetas, catechets e mussardas da la scolina. La furmaziun dal cader ed era da la magistraglia è vegnida accompagnada, sustegnida ed examinada dad expertas ed experts linguisticas e didactics.

Il fundament e fil cotschen durant las trais emnas da furmaziun dals pioniers era la versiun da pilot d'in med d'instrucziun per l'introducziun dal rumantsch grischun en scola, elavurà da Miriam Derungs-Schorta ed Angela Schmed. In med per personas d'instrucziun da la scola primara cun l'idea fundamentala d'emprender rumantsch grischun ed ultra da quai da survegnir in'invista en il material existent.

La furmaziun da la magistraglia da las vischnancas da pionier ha già lieu en las trais regions da patria dals pioniers 2007/2008: il Grischun central, la Surselva e la Val Müstair. Mintgamai durant in'emna ha ina grupp regionala pudì esser ospitanta tge che ha pussibilità in ambient spezial e persunal ed ha favurisà in barat amicabel tranter ils participants e las participantas. Discussiuns e cumparegliaziuns durant la furmaziun han imprimì situaziuns d'emprender la lingua scritta ed han era sveglià l'interess vid ils auters idioms.

La magistraglia da las vischnancas da pionier ha augmentà lur cumpetenzas en rumantsch grischun, elavurà nov material didactic ed ha chattà ina pluna novs e no-



ils pioniers dal project RG

vas collegas per pudair profitar da las sinergias cuminaivlas da la lingua da standard. Per favurisar ina introducziun dal rumantsch grischun en scola cun success porscha il project in support linguistic e didactic durant l'onn da scola 2007/08 ed organischescha in'emna d'approfondaziun l'avust 2008.

Ils pioniers 2007/2008 èn preparads e motivads per l'introducziun dal rumantsch grischun en las emprimas classas da la scola primara.

Uffizi per la scola populara ed il sport / Scuola auta da pedagogia dal Grischun

Las 23 vischnancas da pioniera partir dal 2007/2008:

Grischun central

Lantsch
Brinzauls
Casti
Alvaschein
Mon
Stierva
Salouf
Cunter
Riom-Parsonz
Savognin
Tinizong-Rona
Mulegns
Sur
Marmorera

Surselva

Falera
Laax
Trin

Val Müstair

Müstair
Sta. Maria
Valchava
Fuldera
Tschiers
Lü